

3174

BOŠNIA AND HERZEGOVINA  
FEDERATION OF BOSNIA AND HERZEGOVINA  
GOVERNMENT

Broj: 03-05-946/19  
Sarajevo, 08.11.2019. godine

Bosna i Hercegovina  
Federacija Bosne i Hercegovine  
KANTON SARAJEVO

11-11-2019			Broj priloga
01	05	33063	2/97


- SKUPŠTINA KANTONA SARAJEVO-  
gosp. Elmedin Konaković, predsjedavajući ✓

**PREDMET: IZJAŠNENJE VLADE FEDERACIJE BIH**

Poštovani,

U skladu sa članom 51. Poslovnika o radu Vlade Federacije Bosne i Hercegovine- Pročišćeni tekst („Službene novine Federacije BiH“, br. 6/10, 37/10 i 62/10), u prilogu Vam dostavljam Izjašnjenje Vlade Federacije Bosne i Hercegovine na Zaključak Skupštine Kantona Sarajevo, broj: 01-05-33063-2/19 od 25.09.2019. godine, koje je Vlada Federacije Bosne i Hercegovine utvrdila na 198. sjednici, održanoj 07.11.2019. godine.

S poštovanjem,



PREMIJER  
[Redacted Signature]  
Elmedin Konaković

CO: FEDERALNO MINISTARSTVO ZDRAVSTVA  
gosp. Vjekoslav Mandić, ministar

1. 0. 1.

Temeljem članka 51. Poslovnika o radu Vlade Federacije Bosne i Hercegovine-Pročišćeni tekst („Službene novine Federacije BiH“, br. 6/10, 37/10 i 62/10), nakon razmatranja Zaključka Skupštine Kantona Sarajevo broj 01-05-33063-2/19 od 25.09.2019. godine, Vlada Federacije Bosne i Hercegovine je, na prijedlog Federalnog ministarstva zdravstva, na 198. sjednici održanoj 07.11.2019. godine, utvrdila sljedeće

## **IZJAŠNJENJE**

Zaključkom Skupštine Kantona Sarajevo broj 01-05-33063-2/19 od 25.09.2019. godine prihvaćena je inicijativa zastupnika Elmedina Konakovića, te se traži od Vlade Federacije Bosne i Hercegovine da HITNO ispoštuje Zakon i druge propise koji se odnose na imenovanje članova Upravnog odbora KCUS, te u skladu s tim potvrdi predložene kadrove iz Kantona Sarajevo. Uz predmetni zaključak je dostavljena inicijativa zastupnika Elmedina Konakovića. U Obrazloženju ove inicijative, zastupnik E. Konaković navodi da je „Kanton Sarajevo kao većinski finansijer i suosnivač, radi uvida u poslovanje i funkcionalnost KCUS, delegirao Ismeta Gavrankapetanovića i Belmu Kapo na pozicije predsjednika i člana Upravnog odbora KCUS, jer je predstavnicima Kantona Sarajevo istekao mandat u ovom organu, te svoju funkciju trenutno obnašaju bez legitimiteta i nezakonito. Kako to može izazvati niz posljedica i nezakonitih odluka, apelujemo na Vladu FBiH da ozbiljno shvati ovaj problem.“

Slijedom navedenog odgovaramo sljedeće:

Nesporno je da je člankom 64. stavak (3) Zakona o zdravstvenoj zaštiti („Službene novine Federacije BiH“ br. 46/10 i 75/13) (u daljnjem tekstu: Zakon) utvrđeno da upravno vijeće zdravstvene ustanove u svojini jednog ili više kantona i Federacije BiH zajedno čine predstavnici: Federacije BiH- dva (2) člana; kantona-osnivača- po dva (2) člana kojim je zdravstvena ustanova ujedno opća i kantonalna bolnica; kantona-osnivača- po jednog (1) člana kojim zdravstvena ustanova nije ujedno opća i kantonalna bolnica; stručnih radnika zdravstvene ustanove- tri (3) člana, od kojih najmanje dva (2) moraju biti iz reda stručnih radnika.

Nesporno je da predsjednika i članove upravnog vijeća zdravstvene ustanove koja je u svojini jednog ili više kantona i Federacije BiH zajedno, imenuje i razrješava Vlada Federacije BiH, na prijedlog federalnog ministra zdravstva, a u smislu članka 64. stavak (6) Zakona.

Slijedom svojih zakonskih ovlasti, Vlada Federacije BiH je, na prijedlog federalnog ministarstva zdravstva, donijela rješenje o imenovanju predsjednika i članova Upravnog vijeća Univerzitetsko-kliničkog centra Sarajevo V. broj 34/2017 od 13. siječnja 2017 godine i V. broj 641/2019 od 30.05.2019. godine, a koja se objavljena u „Službenim novinama Federacije BiH“, br. 3/17 od 18.01.2017. godine i broj 39/19 od 07.06.2019. godine. Upravno vijeće je imenovano na razdoblje od četiri godine. Mandat ovom Upravnom vijeću ističe 18.01.2021. godine. To podrazumijeva da je navedeno Upravno vijeće još u mandatu, te kao takvo ima pravo, obvezu i odgovornost da u punom

kapacitetu obnaša svoju dužnost, te su odluke donijete od strane Upravnog vijeća legitimne, jer konačno i imenovanje i razrješenje navedenog upravnog vijeća je u isključivoj ovlasti Vlade Federacije BiH, a u smislu članka 64. stavak (6) Zakona.

Nesporno je da Kanton Sarajevo jedan od osnivača Univerzitetsko kliničkog centra Sarajevo, obzirom da je Skupština Kantona Sarajevo osnivačka prava nad ovom zdravstvenom ustanovom preuzela Odlukom o preuzimanju osnivačkih prava nad JU KCUS ("Službene novine KS", broj 20/13).

Slijedom navedenog, Ministarstvo zdravstva KS dostavilo je Federalnom ministarstvu zdravstva, aktom broj: 10-05-31304/19 od 27.08.2019.godine, rješenja Vlade Kantona Sarajevo broj: 02-05-31141-36.1/19 od 22.08.2019. godine i broj: 02-05-31141-36.2/19 od 22.08.2019. godine kojim se razješavaju dva (2) predstavnika Kantona Sarajevo u Upravnom odboru Kliničkog centra u Sarajevu, ispred suosnivača Kantona Sarajevo, i to: Jasmin Kapetanović i Dželaludin Junuzović odnosno imenuju dva v.d. predstavnika Kantona Sarajevo u Upravnom odboru Kliničkog centra u Sarajevu, i to: Ismet Gavrankapetanović, predsjednik i Belma Kapo, članica.

U Preambuli Rješenja Vlade Kantona Sarajevo broj: 02-05-31141-36.1/19 od 22.08.2019. godine kojim se razješavaju dva (2) predstavnika Kantona Sarajevo u Upravnom odboru Kliničkog centra u Sarajevu, između ostalog, poziva se na član 36. stav 2. alineja 1. i 4. i stav 3. Statuta Kliničkog centra Univerziteta u Sarajevu ("Službene novine Federacije BiH", broj: 73/13). Člankom 36. stavak (2) navedenog Statuta utvrđeni su slučajevi u kojima može prestati mandat predsjedniku i članu Upravnog odbora i prije isteka vremena od četiri godine.

Opreza radi navodimo, da Skupština Kantona Sarajevo nikada nije dala suglasnost na predmetni Statut na koji se poziva u navedenim rješenjima, a što je obveza osnivača iz članka 65. Zakona o zdravstvenoj zaštiti.

Po prijemu navedenog akta Ministarstva zdravstva KS, Federalno ministarstvo zdravstva je sukladno Poslovniku o radu Vlade Federacije BiH, dostavilo Uredu Vlade Federacije BiH za zakonodavstvo i usklađenost sa propisima EU Prijedlog rješenja o razrješenju predsjednika Upravnog vijeća Univerzitetsko kliničkog centra Sarajevo i Prijedlog rješenja o izmjeni Rješenja o imenovanju predsjednika i članova Upravnog vijeća Univerzitetsko kliničkog centra Sarajevo, a na prijedlog Vlade Kantona Sarajevo.

Obzirom da u prilogu predmetnog akta Ministarstva zdravstva KS broj: 10-05-31304/19 od 27.08.2019.godine, nije dostavljena dokumentacija iz koje bi bilo vidljivo obrazloženje i navođenje kojih smjernica i uputa osnivača se nisu pridržavali predstavnici Kantona Sarajevo u ovom Upravnom vijeću (odredba članka 36. stavak (2) alineja prva Statuta) odnosno dokumentacija o eventualno utvrđenoj odgovornosti navedenih predstavnika za neuspješan i nezakonit rad UKC (odredba članka 36. stavak (2) alineja četvrta Statuta), a Federalno ministarstvo zdravstva tih spoznaja nije imalo, prijedlog navedenih rješenja, upućen u daljnju procedure, sačinjen je na osnovu dostavljene dokumentacije, a to su rješenja Vlade Kantona Sarajevo broj: 02-05-31141-36.1/19 od 22.08.2019. godine i broj: 02-05-31141-36.2/19 od 22.08.2019. godine.

Ured Vlade Federacije Bosne i Hercegovine za zakonodavstvo i usklađenost sa propisima Europske unije, aktom broj: 02-02/3-37-735/19 od 07.10.2019. godine u svom mišljenju, između ostalog, ukazao je da u prijedlogu rješenja o razrješenju nisu navedeni razlozi koji su taksativno navedeni u odredbi članka 36. stavak (2) Statuta, zbog kojih se predlaže razrješenje prije isteka mandata predsjednika i člana Upravnog vijeća UKCS, a ti razlozi moraju biti sadržina tog rješenja. U prilogu ovog izjašnjenja je i naprijed navedeni akt-mišljenje Ureda Vlade Federacije BiH za zakonodavstvo i usklađenost sa propisima Europske unije.

Kako bi Federalno ministarstvo zdravstva moglo postupiti sukladno primjedbama datim u navedenom Mišljenju Ureda Vlade Federacije BiH za zakonodavstvo i usklađenost sa propisima Europske unije, uputilo je akt prema Ministarstvu zdravstva KS broj 01-37-5555/19 od 15.10.2019. godine, u kojem traži da u što kraćem roku dostave obrazloženje razloga za razrješenje predstavnika Kantona Sarajevo, a u cilju daljnjeg postupanja ovog ministarstva iz okvira svojih nadležnosti. Odgovor od Ministarstva zdravstva KS po naprijed navedenom aktu još nije zaprimljen.

U međuvremenu Vladi Federacije BiH dostavljen je Zaključak Skupštine Kantona Sarajevo broj 01-05-33063-2/19 od 25.09.2019. godine kojim je prihvaćena inicijativa zastupnika Elmedina Konakovića, te se traži od Vlade Federacije Bosne i Hercegovine da HITNO ispoštuje Zakon i druge propise koji se odnose na imenovanje članova Upravnog odbora KCUS, te u skladu s tim potvrdi predložene kadrove iz Kantona Sarajevo. Uz predmetni zaključak je dostavljena inicijativa zastupnika Elmedina Konakovića. U Obrazloženju ove inicijative, zastupnik E. Konaković navodi da je „Kanton Sarajevo kao većinski finansijer i suosnivač, radi uvida u poslovanje i funkcionalnost KCUS, delegirao Ismeta Gavrankapetanovića i Belmu Kapo na pozicije predsjednika i člana Upravnog odbora KCUS, jer je predstavnicima Kantona Sarajevo istekao mandat u ovom organu, te svoju funkciju trenutno obnašaju bez legitimiteta i nezakonito. Kako to može izazvati niz posljedica i nezakonitih odluka, apelujemo na Vladu FBiH da ozbiljno shvati ovaj problem.“ Također, dana 18.10.2019. godine u Federalno ministarstvo zdravstva zaprimljen je akt Ministarstva zdravstva KS broj 10-05-31304/19 od 09.10.2019. godine kojim urgiraju za postupanje po svom aktu broj broj: 10-05-31304/19 od 27.08.2019.godine, bez navođenja bilo kakvih dodatnih obrazloženja koja su tražena od Federalnog ministarstva zdravstva a sukladno aktu-mišljenju Ureda Vlade Federacije BiH za zakonodavstvo i usklađenost sa propisima Europske unije.


Opreza radi ističemo da se u inicijativi zastupnika Elmedina Konakovića koju je prihvatila Skupština Kantona Sarajevo sada navode drugi razlozi od onih na koje se poziva u preambuli Rješenja Vlade Kantona Sarajevo broj: 02-05-31141-36.1/19 od 22.08.2019. godine kojim se razrješavaju dva (2) predstavnika Kantona Sarajevo u Upravnom odboru Kliničkog centra u Sarajevu, a to je član 36. stav 2. alineja 1. i 4. i stav 3. Statuta Kliničkog centra Univerziteta u Sarajevu (“Službene novine Fedracije BiH”, broj: 73/13)

Imajući u vidu sve naprijed navedeno, navodimo da Vlada Federacije BiH i resorno Federalno ministarstvo zdravstva, postupaju po zahtjevu Ministarstva zdravstva KS i Vlade Kantona Sarajevo. Međutim, potrebno je da Ministarstvo zdravstva KS i Vlada KS postupe sukladno gore navedenom aktu-mišljenju Ureda

Vlade Federacije BiH za zakonodavstvo i usklađenost sa propisima Europske unije, a u cilju daljnjeg postupanja Federalnog ministarstva zdravstva iz okvira svojih nadležnosti. Naime, po prijemu obrazloženih razloga za razrješenje navedenih predsjednika i člana u Upravnom odboru UKCS, obveza je Federalnog ministarstva zdravstva da postupi sukladno članku 36. stavak (4) Statuta, tj. da prije upućivanja rješenja o razrješenju predsjednika, odnosno člana Upravnog odbora Vladi Federacije BiH, u slučajevima iz stavka (2) ovog članka, obavijestiti predsjednika, odnosno člana Upravnog odbora čiji se opoziv traži i dati mu mogućnost da se o njemu pismeno izjasni u roku od 30 dana od dana upućivanja zahtjeva za izjašnjenje od strane Federalnog ministarstva zdravstva.

Do okončanja ove procedure odnosno do donošenja konačnih rješenja o razrješenju odnosno imenovanju predsjednika i člana Upravnog odbora UKCS od strane Vlade Federacije BiH, u smislu članka 64. stavak (6) Zakona o zdravstvenoj zaštiti, Upravno vijeće Univerzitetsko kliničkog centra Sarajevo imenovano rješenjima Vlade Federacije BiH V. broj 34/2017 od 13. siječnja 2017. godine i V. broj: 641/2019 od 30.05.2019. godine ostaje u mandatu.

V. broj 1289 /2019  
07.11.2019. godine  
Sarajevo



Fajli Novalić

BOSNA I HERCEGOVINA  
FEDERACIJA BOSNE I HERCEGOVINE  
VLADA FEDERACIJE BOSNE I HERCEGOVINE  
URED ZA ZAKONODAVSTVO I  
USKLAĐENOST SA PROPISIMA  
EUROPSKE UNIJE

БОСНА И ХЕРЦЕГОВИНА  
ФЕДЕРАЦИЈА БОСНЕ И ХЕРЦЕГОВИНЕ  
ВЛАДА ФЕДЕРАЦИЈЕ БОСНЕ И ХЕРЦЕГОВИНЕ  
УРЕД ЗА ЗАКОНОДАВСТВО И  
УСКЛАЂЕНОСТ СА ПРОПИСИМА  
ЕВРОПСКЕ УНИЈЕ

Broj: 02-02/3-37-735/19  
Sarajevo, 07.10.2019. godine

Bosna i Hercegovina  
Federacija Bosne i Hercegovine  
Federalno ministarstvo zdravstva  
Sarajevo

FEDERALNO MINISTARSTVO ZDRAVSTVA

SARAJEVO

PRIMLJENO: M. lo. 119.

Organizaciona jedinica	Klasifikaciona oznaka	Redni broj	Broj priloga

**PREDMET: Mišljenje o:**

1. Prijedlogu rješenja o razrješenju predsjednika i člana Upravnog vijeća Univerzitetsko-kliničkog centra Sarajevo
2. Prijedlogu rješenja o izmjeni Rješenja o imenovanju predsjednika i članova Upravnog vijeća Univerzitetsko kliničkog centra Sarajevo

**VEZA: Vaš akt broj: 01-37-5555/19 od 17.09.2019. godine**

Ured Vlade Federacije Bosne i Hercegovine za zakonodavstvo i usklađenost sa propisima Europske unije razmotrio je Prijedloge navedenih rješenja i na temelju članka 2. Uredbe o Uredu Vlade Federacije Bosne i Hercegovine za zakonodavstvo i usklađenost sa propisima Europske unije – Pročišćeni tekst ("Službene novine Federacije BiH", br. 49/07, 35/12 i 38/17) u svezi s čl. 27. i 28. Poslovnika o radu Vlade Federacije Bosne i Hercegovine – Pročišćeni tekst ("Službene novine Federacije BiH", br. 6/10, 37/10 i 62/10), daje slijedeće

### MIŠLJENJE

**1. Prijedlog rješenja o razrješenju predsjednika i člana Upravnog vijeća Univerzitetsko kliničkog centra Sarajevo**

Zakonski temelj za donošenje predviđenog rješenja sadržan je u odredbi članka 19. stavak (3) Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i članku 64. stavak (6) Zakona o zdravstvenoj zaštiti ("Službene novine Federacije BiH", br. 46/10 i 75/13), kojom je utvrđeno da predsjednika i članove Upravnog vijeća zdravstvene ustanove u vlasništvu jednog ili više kantona i Federacije imenuje i razrješava Vlada Federacije na prijedlog federalnog ministra zdravstva, kako je pravilno navedeno u uvodnom dijelu Prijedloga Rješenja.

Navedenim rješenjem, a na prijedlog Vlade Kantona Sarajevo, predlaže se razrješenje g-dina Jasmina Kapetanovića, predsjednika Upravnog vijeća Univerzitetsko kliničkog centra Sarajevo (u daljnjem tekstu: UKC) i g-dina Dželaludina Junuzovića, člana Upravnog vijeća UKC, koji su predstavnici Kantona Sarajevo u Upravnom vijeću UKC.

Naime, tim rješenjem predlaže se razrješenje predsjednika i člana Upravnog vijeća UKC prije isteka razdoblja (mandata) na koji su imenovani.

10



Pitanje prestanka mandata članova Upravnog vijeća UKC uređeno je člankom 36. Statuta Univerzitetskog kliničkog centra Sarajevo („Službene novine Federacije BiH“, broj 73/13 – u daljnjem tekstu: Statut).

Odredbom članka 36. stavak (2) Statuta taksativno su navedeni slučajevi na temelju kojih predsjedniku i članu Upravnog vijeća može prestati mandat prije isteka vremena od četiri godine.

Stavkom (3) istog članka Statuta propisano je da prijedlog za opoziv predsjednika i člana Upravnog vijeća mogu podnijeti osnivači, federalni ministar zdravstva i Upravno vijeće. Nadalje, stavkom (4) istog članka Statuta predviđeno je da prije upućivanja rješenja o razrješenju predsjednika, odnosno člana Upravnog vijeća Vladi Federacije u slučaju prije isteka mandata od četiri godine, Federalno ministarstvo zdravstva dužno je obavjestiti predsjednika, odnosno članove Upravnog vijeća čiji se opoziv traži i dati im mogućnost da se o njemu pismeno izjasne u roku od 30 dana od dana upućivanja zahtjeva za izjašnjenje od strane Federalnog ministarstva zdravstva.

Polazeći od naprijed navedenog, kao i uvidom u Rješenje o razrješenju dva (2) predstavnika Kantona Sarajevo u Upravnom odboru Kliničkog centra u Sarajevu, ispred suosnivača Kantona Sarajevo, broj: 02-05-31141-36.1/19 od 22.08.2019. godine, kojeg je donijela Vlada Kantona Sarajevo na 34. sjednici održanoj 22.08.2019. godine (dostavljeno u privitku), ne može se vidjeti da li je ispoštovana procedura propisana člankom 36. stavak (4) Statuta (izjašnjavanje), budući da u privitku nema akta iz kojeg bi se utvrdilo da li je u predviđenom roku data mogućnost pisanog izjašnjenja za predsjednika i člana Upravnog vijeća UKC za koje se predlaže da Vlada Federacije donese rješenje o razrješenju predsjednika i člana Upravnog vijeća UKC prije isteka mandata.

Osim navedenog, ukazujemo da u Prijedlogu Rješenja nisu navedeni razlozi koji su taksativno navedeni u odredbi članka 36. stavak (2) Statuta, zbog kojih se predlaže razrješenje prije isteka mandata predsjednika i člana Upravnog vijeća UKC, a ti razlozi moraju biti sadržina tog rješenja.

## **2. Prijedlog rješenja o izmjeni Rješenja o imenovanju predsjednika i članova Upravnog vijeća Univerzitetsko kliničkog centra Sarajevo**

Zakonski temelj za donošenje predviđenog rješenja sadržan je u odredbi članka 64. stavak (6) Zakona o zdravstvenoj zaštiti („Službene novine Federacije BiH“, br. 46/10 i 75/13), a što je u svezi s člankom 19. stavak (3) Zakona o Vladi Federacije Bosne i Hercegovine („Službene novine Federacije BiH“, br. 1/94, 8/95, 58/02, 19/03, 2/06 i 8/06), te je u uvodnom dijelu Prijedloga Rješenja potrebno navesti samo odredbe gore navedena dva zakona.

Na dostavljeni tekst Prijedloga Rješenja dajemo slijedeće primjedbe, i to:

1. Iz uvodnog dijela riječi: „a u svezi sa člankom 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/03)“, treba brisati kao suvišne.

2. U točki I Prijedloga Rješenja u uvodnoj rečenici, u trećem retku riječi: „toč. 1. i 2.“ treba zamijeniti riječima: „točka I podtoč. 1. i 2.“.

3. Radi preciznosti i jasnoće, predlažemo da se u točki II riječ „zakonu“ zamijeni riječima: „članku 4. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, br. 12/03, 34/03 i 65/03)“.

